



SBS xav tau zejzog cov kev tawm tswv yim los kho nws cov xov tooj cua thiab cov xov xwm ua lus rau yav pem suab

Tam li yog ib feem ntawm SBS xav hloov ua ntuv zus, kom tshaj tau xov xwm tshiab rau teb chaws Australia tam sim no, ces SBS yeej txheeb xyuas nws tej xov xwm ua lus, uas tshaj tawm ntawm SBS Radio tas mus li, hnuv no thiaj qhib sab laj nrog zej tsoom thiab caw nej tawm tswv yim txog tsab qauv ntsiab cai los xaiv ib cov program twg.

SBS Language Services Review ces yog ib cov txheej txheem ua yeej ua txhua txhua 5 xyoos twg ib zaug tib yam li cov kev txheeb pej xeem thiab, ua zoo xyuas kom SBS Radio tshaj tau xov xwm qhia txog Australia uas pauv hloov sai heev thiab muaj ntau tsav neeg sib txawv coob tuaj ntxiv. Yog li cov ntsiab cai xaiv cov program xov xwm thiaj yuav raug siv ua ke nrog cov xov xwm txheeb pej xeem xyoo 2021 los txiav txim tias yuav tshaj cov program xov xwm ua hom lus twg, thiab qhia txog tej xub ke yuav tshaj tej xov xwm ntawd rau lub sij hawm 5 xyoos tom ntej ntxiv.

Cov Language Services Review ces muaj SBS cov xov xwm ua suab thiab ua lus tshaj rau xov tooj cua, SBS On Demand, podcast thiab lwm cov digital platforms.

Cov kev sab laj nrog zej tsoom 6 lim tiam, ces pib txij hnuv no mus thiab xaus rau tim 12.11.2021, yog ib lub cib fim tseem ceeb rau tej zej zog pab SBS Radio services rau yav pem suab, thiab tej network uas pab tshaj xov xwm ua suab thiab ua lus kom nthuav dav, yog li thiaj yuav siv tag nrho cov kev tawm tswv yim no coj los ua cov txiav txim ua zaum kawg tias, yuav tsim cov ntsiab cai xaiv cov program li cas coj los siv.

David Hua uas yog SBS tus coj tshaj cov xov xwm ua suab thiab ua lus tau hais tias, "SBS yeej muaj ib lub tsab peev xwm txawv lwm tus li muaj peev xwm siv nws cov xov xwm ua ntau hom lus ntawm ntau cov chaw nthuav tawm xa mus txog thiab sib cuag tau nrog Australia tej neeg zej zog sib txawv. Yeej tau ntev tshaj 45 xyoos lawm uas peb yuav tau hloov tej kev siv tej laj lim tswv yim tshiab thiab los tsim cov services tsim nuj rau tej zejzog, thiab tam sim no los peb yeej tseem tshaj tej xov xwm no hauv radio, online, podcasts thiab apps ntau tshaj 60 hom lus. Cov kev rov qab txheeb no thiaj yuav pab kho SBS rau lub caij yuav txog 50 xyoo.

"Lub luag hauj lwm tseem ceeb ntawm SBS tej xov xwm ua ntau hom lus ntawd, ces yeej raug qhia rau sawv daws pom rau lub caij muaj kab mob COVID-19 sib kis thoob ntuj no lawm, li qhia tej xov xwm tseem ceeb tshiab thiab tej xov xwm noj qab haus huv rau tej zejzog ua hom lus lawv nyiam. Yog li cov Language Services Review thiaj yog ib lub cib fim tseem ceeb tshaj plaws los ua tib zoo xyuas kom pab peb tshaj tau tej xov xwm raws li tej zej zog xav tau ntawm teb chaws Australia tam sim no.



"Cov kev los kho peb tej xov xwm tas mus li yuav muaj peev xwm pab kom SBS muaj peev xwm tshaj tau tej xov xwm zoo tshaj plaws rau cov neeg zej zog hais ntau hom lus thiab coj ntseeg ntau yam kev cai dab qhuas coob tshaj plaws, thiab kom tshaj tau xov xwm rau tej zej zog tshiab uas xav tau tej xov xwm no heev. Cov kev xyuas kom peb tej neeg mloog muaj kev tawm suab nrog cov txheej txheem no thiaj yog ib feem tseem ceeb heev, thiab peb txhawb nqa kom tej zej zog thoob plaws Australia koom tawm tau lawv tej tswv yim."

Yuav tsim kom tiav tej ntsiab cai xaiv rau thaum lub 5 hlis ntuj xyoo 2022, thiab yuav pib txheeb SBS cov program xov xwm ua ntej yuav xaus xyoo 2022.

Lub caij pib sab laj cov ntsiab cai xaiv cov program xov xwm nrog zej tsoom ces pib txij hnuv tim 5.10.2021 mus txog hnuv tim 12.11.2021. Yog koj xav txheeb daim qauv ntsiab cai thiab xav koom tawm tswv yim, ces mus txheeb tau ntxiv ntawm [sbs.com.au/consultation](https://www.sbs.com.au/consultation).

Xaus li no.

Yog koj xav tau xov xwm thiab xav nrog ib tug twg tham ces sib cuag tau nrog:
Kate Warnock | kate.warnock@sbs.com.au | 0419 316 135